

GOSPEL TANGKOU

(Gospel Herald)

Issue No. 2

Volume : XXXV

April

2021



TRIPURA MISSION FIELD

2021 KUM THUPI

“KHRIST ADIA HINKHUO LAMDANG NGAM...”

Rom 12:2

EDITOR:

Rt. Rev. Dr. S.K MANLUN

EDITORIAL BOARD

Founding Editor:

Rev. M.Hauzalian
Mobile No - 09266549971
E-mail :lbmcebu@gmail.com

Editor:

Rt.Rev. Dr. S.K. Manlun
Mobile No - +91 9612152332
E-mail :melchqtrs@gmail.com

Joint Editor:

Rev. Nengkhanlal Milun,
Director of Ministries
Mobile No- +91 6009924646

Managing Editor:

Rev. Kamminthang,
Director of Missions
Mobile No- +91 9612281530

Contributing Editor:

1. Rev. Dr. Hangminthang
Mobile No. +919612997858
2. Rev. Thangliankham
Mobile No. +9862830905
3. Pastor T. Chinlunmang
Mobile No. +91 7630854610
4. Pastor Kamneithang
Mobile No. +91 8974609177
5. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

| | |
|-----------------------------|----|
| Editorial | 1 |
| Pasian taisan kha... | 2 |
| Jephthah tangthu tamlou | 5 |
| Mission Field Report | 7 |
| Jesu nuajui dihtah | 9 |
| Kingaisanna khu... | 12 |
| Jesu Khrist nungzuihna... | 17 |
| Pasian in apoimaw danzil... | 21 |
| Eden Virus Pandemic | 23 |
| Na deilam Vana min... | 24 |
| Suunna | 27 |

Patron Member ₹.1500/-
Kum khat lah man:
Khut ah - ₹.150/-
Dah ah - ₹.200/-

Article zousie Editor kunga pieh ding; ahilouleh, e-mail in
melchqtrs@gmail.com leh **WhatsApp** tungtawn in a piehthei ding hi.
Tualeh, a lahman Circulation Manager kunga pieh ding ahi.

Editorial laikung pan

Leitung abuitah man in, sil zousie i deibang in apei thei nonsih hi. Sep ding neite zong Covid-19 natna ziehin semthei nonlou in aum sieng tahi. Laisiengthou 2 Timothy 4:2 “Thu gen in, ahun leh ahunlou ah zong mansa in um in, Thuzaw inlen, phawhhih inlen, thuohtheina zousie thuhil pum in hanthawn in.” Tamna i Laisiengthou simna ah thugen in, ahun leh ahunlou ah zong mansa in um in chizel, bang ichita ding uai?

Mi khenkhat ten Lockdown leh Curfew lemtangsa in biahna lam mawngmawng ngaisah lou pawl kium, pawlkhate lah biehn akibawl theilou dahuai sa mama pawl zong um hi. Tam itenna leitung hun hoi na ngah leh hunhoi in nang hing zuonlou ding ahi, hunhoi na sui leh zong namu ngei sih ding hi. Sawltah Paul in Timothy kungah Khantanhoi a hun leh hunlou ah gen in, hunhoi hunsia chi’n khensin achi hi. Tuaziehin Khantanhoi gen khu nang leh kei a ding a ikin/kakin, kasep ding ahi chi gelthei lei i hattuum mite lungmuong mama ding uhi.

Laisieng-thou a i et leh ahun leh hunlou a khensih a, mun nuam leh nuomlou a teltuum sih hi. Pasion thu bang hun a gen ding e? Hunhoi na ngahthaw leh kikhel thei ding ahi. tamtoh kisai in etsahna khat envai. “Pasion thugen minthang Evangelist khat in Chicago khopi a Rivival kikhopna khat ah Pasion gingta loute kungah, tunitah pei unlen na inn chiet uah nguntah in khantanhoi (gospel) thu ngaituo un, zing nitah chieh Khrist adia thutanna la dingin hing kikhom kia un chi’n kikhopna a topsah ta hi. Hinanleh tuami zan October 8, 1871 nitah in vangsiet huaitah mai in Chicago khopi a kangmei suo in mi 250 shi in tai 4 (4 kilometers) sunga um building teng mei phelmit ahi masang in a kangtum tahi. Tuami apat Pasion thu genpa’n a thugenna mun mama a mite Khrist pom dinga chielna (eilamte ham hileh Alter Call) bawllou a kikhopna topsah nonlou dingin thutanna a bawлта hi.



Gospel Tangkou April 2021

Dohna umthei ahileh “Bang huna i ginna phuonzah ding e? Bang hun i ngah dinge, hunhoi maw? mikhiel in Khrist bang huna apom ding e? tam tegel akibang ahi. Laisiengthou ah a chieng mama hi. Pasion pomna dia hunhoi khu tuhun ahi. Heb. 3:15; 2 Cor.6:2; Ishai 55:6 te sim in mikhiel in zing chieng amu ding chi akigen ngam sih. Prov. 27:1; Lk.12:19; James 4:13-15 sim in.

Tuaziehin hun teng leh mun tenga theipitu (witness) ihi ding ahi. Sawltah Paul in ahing ensah hi. Mun tenga Khrist theipitu in pang hi. Zansip nuai ah suongkul a Acts 16:25-31, zanmiel nuoi a huipei hat zieh a tum ding kisa Long (Ship)

sungah Acts 27:20-25. Tuaziehin heisung mun hitaleh banghun hita leh hunhoi, hunpha lai a zong hutkhiat ding leh Hagau a vah ding hattuom mite um zing ahiman in nang moh um mai ding maw? Hunhoi lou lai in zong nang hing tulmaw mi umzing ahi chi thei lei deihuai ahi. I kibus kal in i mi i sa, i hattuom bang ana suoh ta diei chi zong ki ngaituo tham ching ahi. Unau tammi ngaituo vai. Hunhoi ngah sinlen, hunhoi sui in. Laisiengthou ah, hui leh guoh ngah in khuo hunhoi hing tun ding a ngah mi in haichi tuh ngeilou dinga an zong la ngailou ding ahi. Thugenpa 11:4. Simtu zousie Mangpa’n hing guolzawltahen.

PASIAN TAISAN KHA AJAUHUOI DAN

~ Pastor M. Thangboi Zou
Local Pastor, Bengaluru ELC

Tangtel: “....naupang pen anu sunga a um a kipat in Pasion a dingin Nazir mi ahi dinga, aman Philistin mite khuta kipat Israelte hundamna apan ding hi” (Vai. 13: 5,b).

Tunia I Laisiengthoui Tangtel ahileh Pasion teltuom Israelte kinoppi mama Samson tanchin ahi ahi. Ama pen apien masang apat Pasion teltuol mi khat ahi a (Anu gilsung a umlai akipat

Pasion in Israelte lamkaitu dia aguotpa khu ahi). Ama bang a Pasion in Israelte tunga Guolnei dinga apien masang akipat a nu gilsung a anatel mi khat aum kia a, ama ahileh Guolnei Jeremiah

Gospel Tangkou April 2021

ahi (Jer. 1: 1-10). Pasion in Samson thahatna pieh dan anuoi ah tomkim in enkhawm vai:

i) Samson nu leh pa toh Timna khuo a ahing haw lai un, Timna kho gei a Grep huon gei ah, Humpibahnei khat Kelnou malnen bangin, anu leh pa theilou kalin athat hi (Vai. 14: 6).

ii) Zan khat thu in Si-al (fox) 300 man in, melmate (Philistine) Lou ahalsieng pia hi (Vai. 15: 4-5).

iii) Sabiltung khagu zangin melmate mi Tulkhat thatpa khu ahi (Vai. 15: 15).

iv) A melmate un zan khovah a Gaza khopi a imkuol in, zing-mawng chienga mat ding achilai in, aman zan kalin Gaza khopi a Kul kotkhah botdohin Herbron toh kimai ngat muolvum ah anava koi hi (Vai. 16: 3).

Tam banga mihatpa, Pasion in Israelte lamkai dia anu gilsung a aup lai a kipan Pasion in atelpa khu, Pasion thumanglou a, ahing lampiel a, a pienna nu leh pa thu zong ang man nonlou chiengin hichitu a mihatpa khu naupang nou khatin in akai koikoi a, melmate huphulpen pa khu melmate nuisat (chiemnuoi) na atua a, thamlou in, muolphou in ashi loh ta hi (Vai. 16: 23-31).

Mangpa Jesu'n bang thu agen ei, ichileh, "Kei ah um gige un, Kei zong nouma ah ka um gige ding hi" (Johan 15: 4). A nichin hinkhuo a Mangpa Jesu toh kizop gige ten

ahinkhuo uah muolphouna, zalatna, chimohna, beidawanna, jumna tua nanleh a um gige na pa uh Mangpa Jesu'n amaute manghillou, nusie ngailou in tuate apan apui galkai jel jel hi. Hinanleh Mangpa Jesu toh kizawp gige loute pen aman umpi zinglou, ahinkhuo ah Pasion hoina, thupina akilat khietna ding (amukhietna din) hamsatna, gentheina tampi tuoh in azilkhe sah jel hi. Ahinkhuo a Pasion taisan juolt'n Pasion apat taihilna atuo ua, amaute ahileh:

i) **Guolnei Jonah:** Pasion thupieh jui nuomlou a, ama deitelna toh Tarshish lam azawt ziehin, Huipi leh guopi'n Pasion apat pielmang akitheina dingin ajui hi, thamlou in, "Sun thum leh zan thum Ngapi gilsungah ava umloh hi" (Janha 1: 4-5, 18). Tamna theidia hoi kasa khat ahileh, Jonah Ngapi gil sunga sun thum leh zan thum a umna in, "Mangpa Jesu, leigil sunga sun thum leh zan thum a um ding" a etsahna ahi hi (Mat. 12: 40).

ii) **Kumpi Saul:** Pasion in Israelte Leeng masapen dinga abawlpa ahia, ama sanga melhoizaw, duong chingzaw Israel mite umlou hi. Pasion thupia ajui lai in galzawna, lawchinna tampi atua a, nanleh Pasion manghil a, ama hoisahna leh deina banga ahing gamtat ta chiengin (Maitam bawlina dia Bawngtal thau tahtah te ahing kai ta man in) Pasion in, "Ngai in kithoina sangin, thuman

Gospel Tangkou April 2021

ahoizaw a, Bawngtal thaute sangin, thuzui ahoizaw hi. Mangpa thu na deilou ziehin, Ama'n zong Leengpa dingin ahing dei nawn sih hi" (1Sam. 15: 22-23) chin Israelte Leeng ahina midang ape khet ahi.

iii) **Kumpi David:** Pasian in Saul thakhel dinga Israelte tunga Leeng dinga aguotpa ahi hi. Aman zong ahina hing kisuonpi in, Pasian apat thupawt hilou in, ama hina toh Israelte tunga Mising (census) simna ahing neita chiengin, Pasian in atel teitei ding Thu thum apia hi, tuate ahileh (a) Kum thum sung a gam sunga Kiel tung ding, (b) Ha thum sung Melmate jau a tai kawikawi ding leh (c) Ni thum sung Mipul tung ding (2Sam. 24: 13) chite toh in ahoupi hi.

iv) **Sawltah Peter:** Mangpa Jesu nuazui sawm-le-nite lah a atallangpen, ahangsan pen pa hinapin, Mangpa Jesu amuon ngamna amansuo juoi ziehin Tuipi sungah tummang ding akisah hi (Mt. 14: 29).

v) **Demas:** Sawltah Paul toh Pasian nasem khawmpa hinapi'n, aman Pasian thutah sui a kalsuon zing sangin leitung thupina, palunna adeizaw a, Pasian mipa Paul nua azuina atawpsan leh Laisiengthou ah atanchin kigen kim nonlou hi (2Tim. 4: 10).

Tamna mi bang zat ahieite tanchin apan bang na zil khie ei? Ahileh gingtu dihtah nang hoi ah, bang in Pasian toh ahing kigamla

sah ei? Bang na na sem ei? Na nnasep leh silbawl ten niteng a Jesu toh umkhawm gige te nasep ding mah ahi na diei mah! na theidia kilawm leh hoi mama ahileh, "Melmapa Setan khu thase vawtlou ahi, niteng a gingtute Pasian apat puimang sawm in humpi nelkai hawh bangin adieng kawikawi hi" (1Pet. 5: 8). Niteng in naikal chin, Second chin in Setan in plan tuomtuom zangin bang chi leh gingtute Pasian toh akizawp matna uh atan thei diei chin thaselou kei in adieng kawikawi hi.

Samson, Pasian toh aum khawm gige laiin, galzawna, lawchinna atua a, nanleh Pasian ahing gamlatsan tachiengin, mihatpa pen bangma loute bangin muolphou tahin ashi loh hi. Samson hinkhuo a pat ka hing getnuom ahileh, Pasian jala tunia tamtan na tun theina, na lawchinnate (Govt. Job, private job), sum tampi na neite pilvang tahin zangin, na lawchinna Pasian toh na kigamlatna ding hisah sawm sin. Sum nei zieh a Ju dawn teitei ding china umlou hi, Sum hau zieh a Zi tha nei ding zong hilou ahi. Na lawchinna, na sum leh pai hauna, pilna leh siemnate nazat khiel leh Samson bangin nang zong na nasepga nehdingin Jail bang na zut dinga, minsietna chin teng leh muolphoutah in na shin alai ding hi.

Samson, Pasian toh kigamla ahichi ahing kithei in,

Gospel Tangkou April 2021

kikhelman tahi (a tha hatna 70% Abeita a, a kho mutheina 100% beita hi). Hinanleh Pasion in a phuba lasah a, tuamin ama toh ashi khawm tahi. Guolnei Jonah, Pasion apat lampiel akitheina mun khu “Ngapi gil sung ahi” (mihingte umna ding um khu leitung ahi a, nanleh Jonah pen Ngaipi gilsung ah avum kimu khiel hi), Kumpi David, athulou thusalou a aum zieh in amite mi 70, 000 te puldouna toh hinkhuo azang hi (Ei Zoute hileh, mi khat bawlkhel ziehin Nam pumpi i shibeid ding uhi, Mi khat bawl khelna ngainep thei hilou ahidan ang zilkhe sah hi).

Tunia, simtute kunga ka hing getnuom pen ahileh, “hamsatna, gentheina, minsietna, muolphouna tampi ithuo nua a, Pasion kung lam a ikile kia veve masang un, tu ahun aum laipet in, kisia in, kisiempha in, ihinkhuo um

nalaite Pasion toh kizawp gige a Ama toh ihun manpha tahte zang khawm tadin, mittui naptui luong sese a ikisiemphat masangun, tunin kisiempha zaw tavai. Aloutheilou a kisiemphat pen na (pain) mama ahi dan” tamna atunga Pasion mizatte hinkhuo apat ahing zilkhesa hi. Samson bang mihatpa pen mi meidawite shi banga ashilou na din Pasion kungah athum veve hi.

Pasion toh kigamlat ajauhuoidan leh mihing adia aphatuomloudan mawltah a igelte, simtu zousie Mangpa Pasion in Ama toh kizawp gige amanphatdan, aluldan leh athupidan theichien semsem a, ihinkhuo um nalaite Pasion toh kizawp gige te hithei chiet tadin thupha hingpe chiet tahe, chi ka thumna ahi hi.

~~~oio~~~

---

## **JEPHTHAH TANGTHU TAMLOU**

~ Pastor Khup Do Khen

Tuin Jephthah thu tamlou gen vai. Tami thu igen na ding un Laisiangthou **Vaihawmte 11:1-11** tan hoitah nou a sim angai hi. Tang nina ah, “Nangpen numei tuom tapa na hi jiehin, ipa inn sungah gou na luu thei sih ding hi” achi uhi. Jephthah khu mi hat leh mi hangsan ahi hi.

Apa min Gilead ahi hi. Hinanleh anu tha taten, a U-pa uh Gilead in kizua numei nu toh tapa Jephthah kungah, nang numei tuom Jephthah anei nua in zi anei a, tapa tapa na hi jiehin, ipa gou na luu tampi anei kia hi. Bangteng hi leh thei sih ding achi khum ban uah, Jephthah khu U-Pa pen, ahi hi. inn a kipatin a notdoh ta uhi.

## *Gospel Tangkou April 2021*

Gilead gam a Vaihawm-Upa te jousien athu agen ua, hinanleh Jephthah khu nohdoh di chi ahi thou thou hi. Jephthah thugen, “Kei na hing muda ua, ka pa inn a patsa na hing nawdoh uh hilou ahiei mah?” achi ziehin, vaihawm Upa ten jong Jephthah amu da uh china ahi mai hi. Tambangteng ahi vang in, lunggel siempa Pasian hing vai hawm in, Jephthah talent, ahatna leh a hangsanna te phatuom taha zah a aup thei na dingin, Gilead mite khu Ammon miten adou sah ta hi.

Tuachi in, Gilead mite lah ah gal lamkai ding mi aki sui maw mama ta ua, mi hat leh hangsan Jephthah khu, a nawdoh sa uh hinanleh hatkia dingin ahing thukim ta uhi. Tuachi'n, Jephthah khu a han kia ua, gallam kai in ahing pang a, amel ma uh Moab te azou ta hi. Tami mun lai tah ah, nang leh kei hi talei, “Na unsieng un shi bei le uchin ka chi ve, ki thutuoh tah a, ka pa inn apatsa na hing del doh uh hilou maw, bang na jumaw na ula ? Hing pei mama sih vang, Ammon mite lel a, na hing shi gam chieng ua, alopna guolnop thupitah a ka bawl di hina lai e,” chi in ina dawng ding uhi. Ahivangin, Jephthah in

tambang lungsim sia anei vawt sih a, vaihawm upate toh thuchiem dettah abawl nua un, gal ava zawpi ta hi.

I unau, isanggam, imi-isa leh ihattuom ten ang muda ua, hasiet huai tah a ahing bawl tah u leh jong hase lou ding, thangpai lou ding, phubalah som lou ding, engsietna lungsim neiden lou ding china ahi. Tuabang lungsim siengthou inei chieng un, ihasietna, iguallelna, imuolphouna te jousie khupkhel lam ah Pasianin nna ahing sem dinga, khumte apatsa letna, lalna, guolzawna, leh Pasian dopsangna chituom tuom lam tuom tuom ah imu ding uh ahi bou hi.

Pasian in Jephthah a dopsang na ding hun ahing tun a, Gilead gam pumpi a vai hawm ding a, ahat kia ma bangin, eite jong lungsim siengthou tah toh Pasian na ngah jing pou lei, A mite kana leh gentheina manghil ngailou Pasian in guolzawna loupitah itan theina dingin lampi tha ahing honpieh ngei ngei ding hi. Tuin nang le kei jong ahun, Pasian lemgel mihing ten ithei lou uh, ahing tun chienga athupha inga theina dingin, lungsim kisakhawl thei dingin, Mangpan hing umpi chiet ta hen. Amen.



## MISSION FIELD REPORT TOMKIM

**By: Rev.Kamminthang,**  
*Director of Missions*

Pasian leh MELC Hattuum mipite deisahna zal in bangchih a zong kana sep ngai nailou Director of Missions mawpuohna hingpie Pasian min kaphat masa hi. Apeisa 20th Jan, 2021 ni'n Rev. Thangliankham, Director of Missions in mawpuohna (incharge) ahing pekhie a, tuami ni apat tutan chieng ah Pasian mapuina jal a MELC Missionary Field a sepdante tamlou tam anuoi abang in ka hing tahlang hi.

### **Mi kiphah Hagau mangthai lainate:**

1. Pa. Thongkhansuan & Family of Kullian in Mission Field a ding in Rs. 10,000/- kipahtah in ahing pie hi.
2. Pi. Nemkhanchiin of Zomi Colony in 2021 sung a Pasian gamna sepna in Missionary Field a ding in Rs.6,000/- ahing pie hi.

### **Headmaster 2 leh Missionary khat Tripura a ding in:**

Apeisa 2nd March, 2021 in Chairel Faith Academy Headmaster ding in Mr. Sianmuan Tungnung of Zoumunnuam kila in Manipur Mission Field Hq.Chairel ah 15th March, 2021 nin a zi leh atate toh joined bawl in tuin a Family toh Chairel ah um in nasep panta hi.

1. Kei incharge lah masang Dec. 2020 in ilamkai lien Rev. Haozalian Philippine in ama mimal sum seng

in Advance X-mas manpi in Mission Field ah itna annkuong valui hi. Pasian in guolzawl taken.

2. Director of Missions leh mission Department panlahna in 6th February, 2021 nin Chairel Mission Field ah Missionary nasem innsung mite leh Hattuum teng huop in annkuong thupitah in akilui hi. Tualeh Missioanry 12 teng kungah kiphapina in pahkhi awсахна zong nei uh a, tu leh tu in Manipur Mission field ah Meithai(Widow) mi 5 ineite uh dingin silpieh piehna zong nei uhi.

3. Sangaikot Division ELWA te lamkai na'n Chairel Mission Field visit na Rev.Kamminthang Tungnung, Biel Pastor te leh nu leh pa tomngai mi 60 ten(rice) Anntang Bag 3 leh sum leh pai toh vena vanei uhi.

4. **Moreh MELC Mission Board** ten zong Mission Field vena vanei

## *Gospel Tangkou April 2021*

uhi. Apeisa 5th March, 2021 ni'n Nh. Nianliankim Missionary, Moreh MELC in a Sponsore uh ana sepna Khuga Tampak, Chura-chandpur a Naupangte vena hing bawl in Desk -10, Naupangte zah ding in piekhieta hing nei uhi. Mr. Mangliansang of Simveng in Kanggrei Faith Academy, Tripura Mission Field ah 17th March, 2021 in join vabawl in tu leh tu in Missionary Manglianlam toh school leh Mission Field, Tripura ah theitop suo in sem uhi.

Apeisa 16th March, 2021 ni apat in Tripura Mission Field a Missionary Manglianlam kithuopi ding in Mr. Pitha Ram Rang in Pasian gam nasepna apan ta hi.

Apeisa 8th-21st March, 2021 sungteng Upa Hauminthang, Missionary Promoter leh Mr. Jangkholen NMSI Missionary ten Lamka Division sung a Hattuumte khuo 15 tuon in Missionary Tour nasatah in fangkuol ua Missionary nasep ding dan tangkoupi uhi. Tualeh apeisa 20th-25th April, 2021 sungteng Thonlon Division sung a Hattuumn teng Missionary Tour vapei ua hun manpha tah in hattuumte toh vajang uhi.

Apeisa 18th April, 2021 Pasian in ELWA Simveng nupi 15 leh Vice-Chairman, Mission De-

part. Upa Chinzahau ten Chairel Hattuum toh hun vajang khawm ua, Meithai leh Gentheite silpieh pieh na zong vabawl uhi.

### **Mission Field mun a Silpieh Vabawlte**

Manipur Mission Field Chairel mun ah Moreh Mission Board apat in :

1. Khuga Tampak Naupangte a ding in Benches 20, a sum in Rs. 19,500 ahia, tuin naupangte'n Free Tuition, Sunday School kaina leh Fellowship vaiguon a ding in zangtheita uhi.

2. Sound Box hoi mama leh Microsphone hoi mama silpieh (21/4/2021 ni'n) hingnei uhi.

3. Lai Ngoubi Fellowship Manipur Mission Field a ding in Guiter hoi mama khat hing present kia uhi.

4. Apeisa 27/4/21 ni'n Moreh ELWA te mi 35 ten Manipur Mission Field Chairel vena hing nei in Nupi 30 val te kungah Kawlpuonteen khat chiet Present bawl uhi, tualeh Chairel Pastor Quarter a zah ding in New Gas Connection Double Cylinder a sum a tuot in Rs. 10,000/- hing pie uhi. Tu in Pastor Quarter ah kizang ngal hi.

5. A peisa hun (10/4/2021) ni'n Missionary Ibothem Moreh in

## *Gospel Tangkou April 2021*

Hindu Ginna apat in Christian hoitah Mr.Pu.Sanatomba Meitei khu Baptisma pieh Pastor Thangkhongam in Moreh mun ah ana neita hi.

### **10. Tripura Mission Field:**

Apeisa hun(2/2/2021)ni'n Mission Board, Shillong Lutheran Church-te panlahna'n Missionary Quarter a zah ding leh Biehinn sung a ding in Fans 5(nga) man ding in Rs. 15000/- ana pie uh a, tuin Tripura

a Missionary te leh Hattuum ten azang lel lel uhi.

Tu leh tu in Missionary te nasepna Mangpa'n mapui toujel in Tripura Mission Field ah Tv. Manglianlam Missionary sepna sung ah Baptisma la ding gingtha mi 11 a um hi. Amaute Lockdawn beibei hun chieng in Baptisma Service bawl ding ngah in um lel lel uhi.

~~~oio~~~

JESU NUAJUI DIHTAH

By : Pastor Douchinlal,
Local Pastor Delhi (MELC)

Thumapui : Amasapen in hunhoi leh manpha hing pie Mangpa Jesu kungah thupina leh pahtawina ipie masa hi.

Paul in II Kor. 13:5 ah "**Ginna ah na um na uh ama nou le nou ki enchien un**" achimabang in tam thupii zang in, Mangpa Jesu nuajui chia ki minvaw eiten izui ding uh initeng hinkhuo ua, amatoh tonkhawm ihina uh amah? chithu hagau lam a kalkhat kalni beh isuon theina uh ahikhah leh chi deina toh saulou nuajui hinkhuo khu iGospel Tangkou tungatawn in houlim va ui.

Nuazui khietna themnou khat en va ui:

Nuazui kichi kammal pen Greek kammal Matheteuo apat hing kiladoh ahi a, akhietna pen ahileh sangnaupanga hing pang(to become a student) china ahi.

Mathetes :Sangnaupang (student) tamin a gen ut pen ahileh sangnaupang khat a sang sye pa'n agen dandan a um, a sangsye te um dan laa leh chiing china ahi.(imitator of teachers).

Atomlam a gen in zillai

Gospel Tangkou April 2021

mikhat in midang khat um dan a um theina ding a zil china ahi.

Nuajui natoh kisai etsahna saulou khat in : Richard Wurm Branch in Romania Evangelical Lutheran Priest Nicolai Ionescu zong akichi hi. Ama Romania jail a atanglai in a hun awng neisun sunte ah a jail tangkhawmpite kou/hankhawm zel in Pasian thu ahilzel hi. Nikhat thu ngai ding a hingpeikhawmte amapa kungah dohna khat hingbawl va ung chin agen ua, ama pa'n zong hing dawng un, bang ahei achitah in, Jesu kichipen mibang toh bange? achita uhi. Ama zong tomnoukhat kingaituo in, Jesu pen kei toh bang ahi chi'n a dawng hi. Tuabep in agei a thu ngaai ding a tou zousie sip dide a tomkhat a um zou un, Oh! Jesu pen nang bang ahileh zuitah ahi chin a dawng uhi.

Tuabangma in, Paul in II Kor. 11:1 kei umdan ching un, kei Jesu umdan kachiin bangin chin Korin mite ana hanthawn hi. I Mangpa Jesu'n hinna nemp a nei hi a, a bawn in nang leh kei in nei zou sihnanlei zong tam leitung a idamsung in, Tapidaw kichi eiten ama Khrist umdan toplou a niteng hinkhuo a izil ding uh ahi. Tapidaw min puo leitung ah atam mama mai a hinanleh eiten ama ithei bang a Mangpa Jesu'n ang thei phah nuajui tom mama hi.

Laisiengthou tungtawn in Mangpa'n anua izui ding dan mun tampi ah ana gen zou tahi. Munkhat mun ni enkia vai, Mat.16:24- Koipou in ang zui ut leh gimthuohna khawhsah lou in, a Kross puo in hing zui heh. Tuabangma in, Johan 13:33 ah - Midangten ama nua izui chi ahing thei theina ding un khat leh khat ki it tuochiet ding ahidan a genkia a, Johan.2:31 ah Ama thu a um zingte mai nua jui tah tah ahidan a genkia hi. Mundang tampi ah zong gendan tuom tuom muthei in um nanleh itah lang sipsep zou sih hi.

Tanah, ihouliimna uh thupi tungtawn in Mangpa Jesu theiphah nuazui ihi theina dinga apoimaw mama te :

1. "Gim leh tawl khohsa lou a Kross puoh ding nisim a.
2. Khat leh khat ki ittuo chiet ding.
3. A thu a umjing ding chite ahi.

Tuni in eite Hinkhuo toh enkah talei anuajui dihtah ihikha na ding uoi? uleh naute.

Khrist a dinga gimthuohna hinkhuo na zang ngaitai? Thugen khenkhat in Mangpa thu a i um zou pou leh khovel genthei hasat nate toh hing kipel sah ding ahi chibang a um hi, hinanleh tua mi hi jaw lou in a thu a i um zou

Gospel Tangkou April 2021

pouleh ituohte zousie thuoh dan siem na Mangpan a hingpieh ding ahijaw hi.

A thu dan a, mi tangpi bang a thei mai mai leh gingtu minpuohna maimai in Mangpa Jesu theipi nuazui hina chieng zoulou hi. Peter Hinkhuo bang en juol talei (Nasepte 3:6) Kengbai suhdamna a a thugen, "Dangka leh sana bangma kanei sih, hinanleh ka nei suun ka hing pie ding, Nazareth Jesu Khrist min in thou inlen pei in', achi hi. Peter in a nei sun leh a umna Jesu Khrist ahiman in Jesu'n kchientah in a thei a, tuachi'n damlou pan damna angah hi. A lelam khat ah Peter in ana kilepsan nitah in, amang el in kei nuazuite lah a ka pang khasih a chilai na ngawn in zong nuazuite lah a khat nahi achi pau pau uhi. (Lk. 22:54-62) Eite pen 'kahi' ikichi laina ngawn a zong hing ki gingta lou thei mawh hive aw! iki khiehna uh.

Thu khupsitna :

1. Nang leh kei in Mangpa ithei bang in ang theina diei? Chi kingaisut chiet vai.
2. Tangmi banga thei thawh lou in kumtawn hinna ding in a thu ah um zing vai.

3. Nuazuiten izuipa uh um dan ei ma ah muthei hunkhop abet-den khatbeh a um ngei ngei ding ahi.

4. Jesu Nuazui hingal in, Aman izui dinga ahing thupiehte nahsah lou a umlou ding ahi.

5. Tuamabang in a gingtuten Ama nuazuina hinkhuo dihtah izah thei chieng in mi zousie inasepna lam ah Mangpa'n hattuom mite hing guolzawl ding hi. Stanley Jones Missionary nasepna jieh in 1962 a India a Gandhi Peace Prize ana mu Gandhi kungah Khristiante a mudan ana doh lai in Gandhi in hichin a na dawng hi, Na Jesu uh ka nuol sih a, kei zong ka hepi hi. Hinanleh nou gingtu tampite pen Khrist nabang sih uhi. Gingtute zousie Laisiengthou a kimu bang a Jesu hing thuhil bang a hing hita le uchin, tunin In dia pumpi gingtu a suoh tading hi, chin adawng hi.

Mangpa'n nuazui hinkhuo izahna uah, Ama lim leh mel puo theikhop a nuazui hichiet ding in simtute zousie hing guolzawl taken. Kipah ing.

KINGAISANNA KHU NGIEMKIATNA LEH PUONA AHI.

(Text: Daniel 4:28-33)

~ Rev. Nengkhanlal Milun

Director of Ministries

Tamte zousie leengpa Nebukadnezzar tungah ahing tungta hi. Ha sawm leh ni abei nua in, leengpa Babilon leeng innpi sunga avah kawi kawi lai in; leengpa'n thu agen a, "Tami Babilon thupitah khu, leenggam innpi dinga ka silbawltheina hatna leh ka thupina zatatna dinga, ka lamdoh hilou ahiei mah? achi hi. Leengpa kam sunga tua thute a um nahlai sungin, van a kipat aw khat ahing kumsuh a, "Aw leengpa Nebukadnezzar na kungah thu akigen hi: Leenggam nang akipat apeimangta hi. Tualeh nang pen mite lah apat in ahing delmang ding ua, gamsate toh na tengkhawm dinga, bawngtal bangin hampa na ne ding a, tualeh tungnung sangpente in mihingte leenggam tung ah vaiahawm a, a ut ut kungah ape zel hi chi na hing theidoh masangsie in, na tung ah hun sagi abei ding hi." Tuami dahkal mama in tua thute Nebukadnezzar tungah ahing tangtung paita a, ama pen mite lah akipat delmangin a umta a, bawngtal bangin hampa aneta hi; asamte muvanlai mul ahing bah a, achinte zong vate chin ahing bah masang sie in, van daitui in apumtangin apah sah hi.

KILETSAHNA/KINGAISANGNA

Mi kiliensah/kingaisang kichi-te khu ama angsung a ding maimai toh buai mite ahi ua, khumbang mite khu "ama hina sang a sangzaw in a ki ngaituo / kikoi zing uhi.

Eima Kiletsahna chi 6 te:

Mani kitawisanna (Self-exaltation): Mi kiliensah te'n minphatna teng ama leh ama aki pie uhi.

Amau' leh amau' aki khangsang uhi: Tambang mite'n midangte pahtawi a sui ua, mite maipha muna ding a na asepan uah thutah a peipi theisih uhi.

Eima Kisiamtanna (Self-justification): Pasion tanpha in pahtawina a pieh ding khop in a kisiamtan uhi.

Amau' leh amau' Ki Suneu Uh: Kiletsahna in amau'te a bottel a, suhngiem in a umlaw uhi.

Kieh Ngiemna: Kiletsahna in midangte toh a ki tekahsah gige hi.

Eima Siammaw Kitanna: Kiletsahna in ama tung ah thukhenna a tungsah hi.

Kiletsahna lungtang kilatna chi 7te:

1. Zauna:

- Kiletsahna zieh a Pasion zangaina nuai a ki tuh lutna i nuol

Gospel Tangkou April 2021

chieng un zauna leh mangbatna kipatna bulpi a hing suoh hi.

- Zauna in I muonngamlou na leh ki muon khielna a kilangsah hi.

Pasian i muonlou zieh ua zau ihizaw uhi.

- Eima a ding ngentang khuolna a luodim a na um siengta ihiman un thununzawna bangma inei tasih uhi. Peter in huipihat tuiptung a Jesu a zot lai in kingaingingem tah ginna toh a zuon hi. Hinanleh, a a mitsuonna mun ahing kikhel bel khu a kim leh paam leh ama mimal a kimuonna ahing suoh bep in ahing zauta a tui ah ahing tumta hi. Tambang hun laitah in Jesu'n a hunkhia adeisahna toh "aw ginna tawmpa, bangzieh a ginglel na hiei" achi hi.

Matthai 14:31. *Tuachi'n Jesu'n thakhat in a zam pai a aman, akungah "Nang ginna tawmpa, bang ding a ginglel na hiei?" achi hi.*

2. A Tangta mawng a ki geelna:

Kipiehkhiengamna / Taangamna khu mi lungtang kingaingingemte apat in a kimuthei a, hinanleh "**KEIMA SATAN AHI**" china (entitlement) khu mi kingaisangte leh lungtang a kiliansah/ki thupisahte apat hing zungha in ahing poukhie hi.

Lungtang kineusahna apat in kilatkhietna ahing piengkhi hi. Hinanleh, ahi dingsa nawng a kingaituona khu kiletsahna

lungtang sung apat ahing kipan hi. Laisiengthou i et chieng un eite pen gawtna loungal sildang bangma tangtaah ki hilou ahidan aki muthei hi (Rom.3:23; 6:23).

Rom 3:23. *Aziehpen mi zousie in sil abawlkhiehta ua, Pasian thupina atang zouta sih ua;*

Rom. 6:23. *Aziehpen khelna thaman shina ahi, hinanleh Pasian silthawnpieh khu i Mangpa uh Jesu Khrist ziehin kumtawn hinna ahi.*

EI LEH EI KISOLGIAP IHI UHI.

Eima leh eima i ngaituona a kisol giep ihi uhi.

1. I hina sang in hoizaw kisa uhi.
2. I tan sang a hoizaw tangtaah dan in i kikoi uhi.
3. Pasian zangaina tangtah mawng in iki ngaituo uhi.
4. Mite patat law taah mawng in iki ngaituo uhi.
5. Eima leh eima midangte itna, lochinna, nopsahna leh patawina zousie tangtah dan in iki geel uhi.
6. Thuohna, lungtang neina leh thununna mawngmawng tang thei din iki ngaituo khasih uhi.

Hinanleh, tambang silte i tuohkha chieng un, i lungthah ua, iki ngaisie ua, ibuoilaw zel uhi. Aziehpen, silhoi dang tampi zong tanbe nalai dia ki ngaituote ihizieh un. Tambang a i um kha zelna uh khu Jesu kung apat ahi loungal leh a dangte apat kei pen mikhiel leh siammaw tansah a um ka hi chi ina ngaituo khalou zieh uh ahi.

Gospel Tangkou April 2021

Nuazuite zong tambang “a lienpen ding” kitu in ana buoi kha ngai uhi. Ama ua ding ngentang buoipi seng kisa in patawina leh thupina zousie tang dia kilawm bang khop in a kingaituo uhi. Hinanleh Jesu’n amau’te a dawanna khu amau’te ngaisutna loulam ta ana hi ta hi. “A lienpen ding khu a naupang pen leh a lamkai ding khu mite na sepsaktu khu ahi chin ana gensah hi.”

Luke 22:26:

Hinanleh noute lah ah pen tuabang na hisih ding uhi, tuanahsangan, na lah ua lien pen khu naupang zaw bangin um henlen, tualeh alamkai pen khu mi nasem bangin umzaw heh. Aziehpenn annkuonga touna leh anehbawlpaw koizaw alienzaw diei? Annkuonga touna alienzaw sih ding amah? Hinanleh keipen na lah uah nehbawlpaw bangin ka um hi.

3. Ingratitude (Kipahna theilouna)

I kiletsahna lungtang in tambang in a chi hi:

- Eite i hoi vele bangzieh a i deite i tan lou ding ulah? Ichi ua, i tansih leh i lungkim theilouna zong ahi ding ma in i ngaituo uhi.

- Nopmaw sahna ahisih leh buoihuoi sim a i ngaituo leh complain thei mai dan in i ngaituo uhi.

- I thuneina uh ahi. Zainemna in Pasian hoina i tahsappate a thei

mabang in ahin guon a, eite i kipahlou na ding bangma umlou ahi dan ahing theisiam sah hi.

- Tahsapna bangma i neilou pi.

Danpiehnina 2:7. *Mangpa na Pasian un, na khut nasep zousie uah ahing guolzawl zel ding hi, Aman tam gamdai lienpi na palsuoh dan u’zong athei hi. Tam kum sawmli sung Mangpa na Pasian un ahing umpi zing a, bangma tahsap na nei sih uhi, chiin thu pie in, achi hi.*

Late 34:9. *Nou amisiengthoute aw, Mangpa giing un, Ama giing mite atasam ngai sih uhi.*

Pasian in Israelte neh ding apieh a, puonsil toh a thop ban ah apui zing vang in a phunnoi nalai uhi.

Pawtdohna 16:2. *Tualeh Israel tate mipi umkhawmte, Mosi leh Aaron tungah gamdai ah aphun ta uhi.*

Danpiehnina 8:2. *Tualeh athupiehte na zui ding uoi, nazuisih ding uoi, chi na lungsim uh theina dinga ze et ding leh hing kingaangiem sah dinga, gamdai a kum sawmli sung ahing puina lampi zousie thei zing un.*

I lungkhohna un nichin a Pasian khotuonate ahing nuolsah hi. Hinanleh Pasian thu in tambang a i ki sahtheinate ahing phawh hi.

“Sil zousie phunlou leh niel louin bawl ding, khang gilou leh sildihlou bawlte lah a leitunga vahte banga i taannate lah ua

Gospel Tangkou April 2021

gensiet bei leh poikhoilou Pasian tate i hitheina ding un.”(Philippi 2:14-15). Tam Pasian hing deina pen i lungkhohna un pom theilou in i nuol uhi.

4. Mite Patatna (People-Pleasing).

Kiletsahna kichi khu eima leh eima Pasian bang a kikoina ahia, mipite pahtat ding suina khu a direct result ahi. Tambang maipha suina pen mipite na va sepsahna leh silhoi bawl na bang nanleh a tahtah in tami khu ngie belam vun sil bang giep ahi. Mipi maipha suina kichi khu eima vangphatna ding gelna mai ahizaw hi, aziehpén Pasian zang a mihing zawzau na leh mipite patatna apat hamphatna mu theina ding giep ahizaw hi.

Sawltah Paul in mipite patat delna khu phattuomna neilou a gimthawna giep ahi dan ana theisiam mama a, tambang in ana gen hi: “keipen mihing maipha sui ka hiei ahisih leh Pasian maiphasui. Mihing maipha sui giep ka hileh Khrist suoh ka hi theisih ding hi.”

Galatia 1:10. *Ken tuin mihing pahtat law sawm ka hiei, ahisihleh Pasian pahtat? Ahisihleh mihingte suhlungkim sawm ka hiei mah? Mihingte suhlungkim sawm ka hi nahlai leh, Khrist suoh ka hi sih ding hi.*

5. Thum ngailouna.

Kiletsahna khu eima leh eima kisolna ahi. Kiletsahna in, i hinkhuo eiman i dei dandan a i bawl thei

ahia, bangkim eima thuthu, koiman ahing khaamthei ahisih, sil bangkim a siemsa ka hia, hun zousie ah Pasian ka poimaw densih, a panpina, a khoutuona, hansanna leh Ama a kinepnate ka poimawsih, tuaziehin thum zing a poimawsih chi’n eime leh eima ahing kisolsah hi.

Hinanleh lungtang kingaangiem ten pen Pasian tellou in bawlthei neilou ka hi chi’n thumna toh ama khut ah ahing ki tulut sah hi.

Pasian in Jonah Nineveh khopi a dia a hat lai in, Jonah lungtang khu thumna toh Pasian thu a ki tuh lutna sang in lungtha a taimang ding chi ahi.

Jonah 1:3. *Hinanleh Jonah adingdoh a, Mangpa mai a kipat in Tarshish lam a taimang ding in akisata hi. Joppa khuo ah apeisuh a, Tarshish zuon ding tembawh khat amu a, tuachi’n atunman ding apie a, Mangpa mai a kipat a taimang ding in tembawh sungah alut a, Tarshish lam a pei dingte toh in tembawh sungah atuong khawmta hi.*

Hinanleh Pasian in ngapi gilsung apat ahing kingiemkhiet sah bep in Jonah thumna nei in ahing kikou khe veve hi.

Jonah 2:1. *Tuachi’n Jonah ngapi gilsung a kipat in Mangpa a Pasian kungah thu angen a,*

6. Lepchiena

Na kiletsah chieng in:

Gospel Tangkou April 2021

- Na tung a Pasion khotuonate manghil in na dinmun na hina sang a sangzaw ah na kikhangtou hi.

- Midang teng sang a hoizaw leh siengthouzaw in na ki ngaituo a, midangte khelna teng na mu paipai hi.

- Kiletsahna in lepchiena hagau ahing neisah hi.

Mi lepchie Pharisaite kiletsahna in a khelna uleh Pasion zangaina mulou din a mit uh a suhmielsah a, lungnem hiuhieu kawmin midangte tung ah a khel sah mama hi. Tuaziehin, Jesu'n a tung uah aw khautah toh: *“Laigielmite leh Pharisai lepchiete aw, na tunguh agih hi... chi in ana housie hi.*

Matthai 23:27. *“Laigielmite leh Pharisai lepchiete aw, na tunguh agih hi, noute pen han kizutngou apulam kilawmtah a kilang, asunglam lah mishi gu leh silnieh chintenga dim bang na hi uhi.*

7. Helhatna.

Pasion kung a helna khu Pasion thu nuolna leh hagau lam a lamkai dia a ngansiete thu nuolna ah suhlat in ahing um khie hi. Amau'te thunuolna khu kiletsahna lungtang kilatna leh helhatna suhlatna ahi hi.

Tambang helna lungtang khu Pasion misiam masat Adam leh Evi (Gen. 3) ah aki muthei hi. Hinkhuo a nopsahna dia a poimaw zousie uh nei sieng nanleh uhkiletsahna

leh Pasion sang a theizaw kisahna in Pasion thukham apat a helsah hi.

Tualeh, tami helna in natna, thuogimna leh shina amau'te leh eite tung ah ahing tungsah ta hi.

Suoh Kingangiem:

Tambang ahilai in zong mi kiliensahte a din Jesu Khrist mihing ahing suohna apat lametna khat ahing um hi. Immanuel – Pasion eite toh umkhawm. Ama eite toh hing teng a, i tang un ahing shi a, hinna tha in ahing kaithou hi. Aman mikhiel kiletsahna mawng mawng aneisah a, zauna, a tang dia lawm mawng a kingaituona aneisah a, kipah theilou in a um ngaisia, mite pahtatna a suisih a, thumlou in a um ngaisih a, a lepchie sih a zong a hel ngaisih hi.

Philippi 2:4-6. *Na lah ua mi koipou in ama hoina ding guoh en sih henlen, midangte hoina ding zong en ueh. Khrist Jesu a zong um tam lungsim khu noute ah zong um heh; Ama Pasion banga um hinapi, Pasion toh kibanga um khu sil khiehla huoi in angaituo sih a, Hinanleh Ama hing kiko'i ngiemin, suoh bangin ahing um a, mihing bangin ahing pieng hi.*

Khrist Jesu a um lungtang noute lah ah um ta hen, ama Pasion toh kikim a um hinanleh Pasion toh kikim a umna a thupi sesih a, a thupinate koikhie in suoh bang a hing ki ngaangiem in mihing bang in ahing pieng hi.

Gospel Tangkou April 2021

Jesu khu Pasion ahia, hinanleh i kiletsahna uapat hing tan ding in, a tan dia lawm zousie ahing nuasie hi. Pahtawina sangpen tang dia lawm hinanleh eite tatna din khumte zousie ahing koikhie hi.

Jesu hing ki ngaingiemna zieh in eite i kiletsahna ua pat ngaidam ihi uhi. I kiletsahna uh a susie a, hinna pen eite tanguol ahilou dan leh khelna zieh a Pasion thangpaina tang dia lawm ihidan ahing theisah hi. I kiletsahna zieh a gawtna khu

ama tung a nga in kross dawn ah eite hing siempa lim leh mel puo a siamphat a i um theina ding ua hing thuoh in, eite ama bang a ki neusah din ahing siemta hi.

Colossa 3:10. *Mihing tha sil na hita uhi, tua mihing tha khu theina nei a Asiempa batpi a siemthain aum hi.*

Ki neusahna kichi a nuom leh bailam ahisia, hinanleh i suotatna uh ahi. Jesu khu kiletsahna apat i suotatna uh ahi.

Jesu Khrist

NINGZUIHNA MANPHA

~ Rev. ChinLamthang Buansing, Guwahati

Thupatna:

Khristian Nungzuihna kichi pen hoih in manpha mahmah ahi. Hih thugelhna tungtawn in Jesu Khrist Nungzuihna toh kisai a I Toupa Jesu hong sinsakna thu bangzah hiam kikumkhawm ding hihangh.

Amasa in, I kikap khak dinguh thu tuam tuamte:

1. Nungzuihna-Zungpi Jesu Khrist ahidan,
2. Nungzuite leh Khrist Kizopna thu,
3. Nungzuihna a Ki-etphatna poimohna,
4. Nungzuihna toh kisai a Hihding poimohte, leh
5. Nungzuihna-gah-Manphate, ahi uhi.

Laisiangthou Sinsakna toh kisai a theih tuak: Johan 15:1-8 toh kisai in hibang thu a om hi:

Jesu, matsaka a om ma zan ahi a, A nungzuite toh "Paikan Annkuang" a umkhawm zoh un, amaute mah toh "Toupa Nitak-

Annkuang" a umkhawm uhi. Ama n, A nungzuite kiangah, A Pa kianga paikik ding ahidan thu ahilhkhoh hi. Tuabang thu azak chiangun, Nungzuite a hamhah mahmah uh a, Bangthu hongpiang ding hiam chih a thei zoukei uhi!

Gospel Tangkou April 2021

Tuabang a nungzuite mangbang taka a omlai un, amaute khamuanna ding in, Jesun amaute a dia munbawl a va pai ding ahihdan a hihchianta hi. Jesu n amaute, anutsiat nungchiang a, a om dingdan uh zong sinsakna apia hi. Johan 15na ah, Jesu n Nungzuite om dingdan a sinsakna te teltak in kimuthei hi.

Jesu Khrist Nungzuihna toh kisai a Theihtuak thu Nga te Kikumkhawm ni:

1. Nungzuihna ah a Zungpi Jesu Khrist ahi.

Nungzuihna Zungpi kichi Jesu Khrist theihtelna ahi a, amah Honpa leh Toupa a sanna ahi. Laisiangthou ah Jesun ama hihna hichibang in a gen hi –

a) Johan 6:35 ah Jesu'n amah, "Hinna-Tanghou" ahi chih a gen hi. Ahimah ahi, Khristian te hinna-ann leh hatna-ann I Toupa Jesu Khrist kia ahi. Jesu Khrist kia ah eite hinna leh hatna I ngak gige ding uh ahi.

b) Johan 14:6 ah Jesu'n amah, "Lampi" a hihdan a gen hi. Jesu Khrist lou in Pa Pasion kiang tuntheihna ding lampi dang omlou peuhpeuh mah ahi. Tuaban ah Jesu Khrist kia thupha-vualzawlna lampi omsun zong ahi lailai hi. Jesu Khrist kia I lampi hisak in, amah tung ah pai a I nuntakna uh I zat gige ding uh ahi.

c) Johan 14:6 na mah ah Jesu'n, "Thutak" a hihna a gen hi. "Jesu Khrist kia thutak" ahi kichi in a gennop tak bel – Amah Jesu Khrist pen – Pasion diktak ahihna, tawntung nuntakna diktak ahihna, Pasion-mihing hongsuak taktak ahihna, leh Hondampa diktak ahihna te, genna ahi.

d) Johan 14:6 mah ah Jesun amah, "Hinna" ahi chih agenna I muthei ahi. Jesu Khrist pen Pasion ahihman in – Hinna ahi a, hinna-kipatna, pumpi-hinna pepa, kaha-hinna pepa, leh, tawntung-hinna pepa, zong ahi. Amah, eite hinna dinga lampi omsun ahi a, lampidik omsun zong ahi. Jesu Khrist kia a om hinna nei taktakte ihina uh hiam? I nei naikai leh hinna lampi Jesu kiang zuan in, amah Honpa leh Toupa ding in sang pah ding in iki deihsak hi.

e) Johan 10:11 ah Jesu'n, "Belampu-hoih" a hihna thu a gen hi. Hisunga Belampu-hoih kichi in ahong sinsaknop ahiehleh Jesu Khrist in ahinna mihingte khelhna maisakna dinga ahong piakkhiatna genna ahi. Belampu-hoih Jesu Khrist in thu-ummi (Ama Belamte) a hong theitel mahmah hi. Aman I natnate uh hong theihpih a, I buainate leh lungkhamnate zong ahong theihpih hi, Aman I kul leh poimohte zong hong theihpih a, I taksapnate khempeuh hong

Gospel Tangkou April 2021

muhpih gige ahi. Chiklaipeuh a, eite adia muanhuai leh hong nusia ngeilou I Toupa Jesu Khrist ahi. Sihna leh manthatna a kipan bitna leh khamuanna hongpia thei Jesu Khrist kia bek mah ahi. Belampuhohih, Jesu Khrist ah, kinga a, Amah kia ah ginna leh muanna ngak gige ding ahi.

f) Johan 8:12 ah Jesu'n, "Khovel-vak" a hihna thu a gen hi. "Vak" akichih Chiangin, Jesu Khrist in Pa Pasion toh akizopna uh gen nuam ahi chih phawk ding ahi. Pa Pasion hihna poimoh mahmah khat "vak" ahihman in: Vak in Pa Pasion leh Jesu Khrist sianthouna, hinna ahihna, leh athuneihnate hong theisak hi. Vak in Jesu Khrist pen zuihtak leh belhtak, lamhilhtu, theisiam-saktu, ahihnate zong ahong sinsak hi. Sanggamte aw, Jesu Khrist nou a dingin Vak hisak gige un. Nabuaina te khempeuh uh aman hong vengsakthei takpi ahi.

g) Johan 13:13 ah, Jesu'n, "Nou, kei Heutupa leh Toupa na hong chi uh, ka himah hi" achi hi. Heutupa kichi in sinsakpa chih genna ahi a, Toupa kichi in bel „bawlpá, „vaihawmpa, leh „thuneipa, ahihnate hong theisak hi. Jesu Khrist sinsakna theisiam in, zui in, I hinna uah thuneitu leh vaihawmtu hisak gige ni.

h) Johan 11:25 ah Jesu'n "Thohkikna" ahi chih a gen hi.

Sihna leh misi te lak a kipan in vualzohna toh Jesu Khrist thoukik takpi ahi chih Laisiangthou in hong hilh hi. Eite, pumpi-sihna a kipan a thohkik theihna ding a kizam hatna leh thilhihtheihna Jesu Khrist kia ah om taktak ahi chih muanglah hetkei ni. Kham sihna a kipan in zong piangthak-mite adingin Kham a thohkik theihna-vangletna Jesu Khrist kia bekmah ah om ahi. Toupa Jesu Khrist hihna tuamtuam ki sutkhawmte in, amah Hondampa leh Toupa ahihna kiteltak in a hong theichiansak hi.

SinlaiSintheih Jesu Khrist teltaka theihchianna leh amah Honpa leh Toupa a sanna pen, a nungzuihna dinga, Zungpi poimoh penpen ahi. Khristian khat kichi sam a Nungzuihna ah hatlou leh chautaka om a I kitheihna, thilhoih bangmah semsuaah zoulou a ikitheih leh Jesu Khrist kiang zuan in, amah I Honpa leh Toupa in sang teitei ding hihangh.

2. Nungzuite leh Khrist Kizopna.

Grape hiangte leh a Grape-guipi in kizopna a neih mah bang in, Jesu Khrist nungzui eite n Toupa toh kizopna hoihtak ineih ding uh Khristian hinkhua a dinga thil poimohtak ahi gige hi. Ginna a Jesu Khrist zui mite n, Khristian hinkhua ah khantouhna leh pichinna neitou zelzel uhi. Khristian piching nuntakna kichi bel nitenga khanna

leh nitenga amah zui a hinna ahimanin, Jesu Khrist toh ikizopna-dan, leh amah toh hun manpha izatdan zilin khantouhna leh pichinna ineitou thei zelzel ding uhi.

Sinlai Sintheih

Ei-kia a khanglian theilou leh ei-kia a piching theilou Khristian hatlou leh panpih ngaite ihihman un I Toupa Jesu Khrist toh kizopna hoihtak nei gige a, niteng a khangtou gige dingte ihi uhi.

3. Nungzuihna a Ki-Etphatna Poimohna.

Jesu Khrist nung izuihna uah ki-etphat zelzel a napoimawh mahmah ahi. Grape hiang, a sikhin leh a keute pen, a Guipi a kipan satkhiat a om in paihkhia a hi zel uhi. Khristian te n zong Jesu Khrist toh kizopna ineihlouh chiangin khalam-keuna, leh bahnate hangin, ihotdamna-kipahna uh a beithei zelzel hi. Grape-gui hing leh a Guipi toh hoihtak a kizopna neite zong, gah tamsema a gah theihna dingun Grape-huan Nei-tu in akahiang khenkhatte heuhkhia (trim) zelzel hi. Tuamah bangin, eite Khristian hinkhua ah Jesu toh kizopna hoihtak nei a, hinghoih mahmah ikisak hunlai in zong, khat vevei Toupa n hong heuhkhia (trim) khathe ihi chih thei ni. Gah tamsem a igah theih nading leh midangte adia vualzawl na ihih sem theihna dingin, thuakna om khathe ihi zel ahi chih itheihshiam ding uh kizam hi.

Sinlai Sintheih

Jesu Khrist nung izuih na uah amah toh ikizopna et-phat zelzel poimoh mahmah ahi. Kipahna thak neithe iawnloupi a Jesu nungzui leh Khristian minpu maimai ihikha hiam chih ki-enpha zel zel ni. Tuabang a omkha ihihkhak leh Toupa kiang zuan in, amah toh kizopna thak neih sawm ding hihangh.

4. Nungzuihna toh Kisai a Hiding Poimohte.

Khristian hinkhua manpha ineih theihna dingun Jesu Khrist toh niteng a kizopna hoihtak neih gige ding ahi. Khrist-thu te eimah hinna ah kep a zuih ding ahi. Laisiangthou in eimah mimal hinna chiat a hong thunun a, ahong makaih ding chihna ahi.

Sinlai Sintheih

Laisiangthou sim gige a, a sinsakna zui teitei mite, Jesu Khrist nungzuihna hinkhua ah a khanglian semsem thei uhi.

5. Nungzuihna a Gah-Manphate.

Gah-manpha suah theihna dingin Jesu Khrist nung izuihna uah muanhuaina leh chihtakna kipoimoh mahmah ahi. Gah-manpha kichi bel Khristian nasephoih te genna ahi. Laisiangthou in

Galatiate 5:22 - 23 ah Khagah te hichibangin ahong hih hi –

- i) **Itna** – Midangte itna,

Gospel Tangkou April 2021

- ii) **Kipahna** – Khristian hinkhua a kipahna, apiaktheihna dingun nasep-hoih atamthei pen a sepgige ding ahi.
- iii) **Lemna** – Midangte toh kilemna, **Conclusion**
Jesu Khrist nungzui
- iv) **Thuakzohna** – Khrist min muanhuai hihtheihna dingin amah toh kizopna hinkhua hoihtak neih gige ding ahi. Jesu Khrist toh kizopna hoihtak nei mite in ginomna leh sianthouna nei in, gahpha in agah thei zelzel uhi. Jesu Khrist zungpi a nei a, amah toh kizopna hoihtaka en-pha a, nungzuihna a amohpuaknate uh hoihtaka, sepkhia gige mite in gahmanpha suang teitei uhi. Jesu Khrist Nungzui muanhuaite mah ama nasem muanhuaite leh Khrist adia mi-lohchingte ana hi zelzel uhi. Khristian nungzui-hinkhua manpha neithe i zel dingin, Toupa Pasion in thupha hongpia ta hen! Amen.
- v) **Migitna** – Khrist hanga migi tak a omtheihna,
- vi) **Hoihna** – Kampau, gamtat leh lungsim a hoihna,
- vii) **Ginomna** – Salam leh khalam a ginomna,
- viii) **Nunmemna** – Hehhun leh thangpaih hun a nunmemna,
- ix) **Kidektheihna** – Khovel deihna zuilou dinga kidektheihna.

Sinlai Sintheih

Nasephoih sem dinga, Khrist Jesu in ahong tatkhitsa mite ihi chih manghilh ngeikei ni. Mite n Toupa tung ah phatna leh thupina

~~~oio~~~

---

## **PASIAN IN APOIMAW DANZIL IN MIKHAT POU A ZANG THEI HI**

*~ Rev. Dr. Hangminthang*

AD 307 hunlai in, Constantine khu Rome Kumpi in anapang hi. Khumi hunlai in Mazentius in Italy mallam leh Africa ah vai a hawm a, Rome leenggam suolam teng zong laah a tum nalai hi. Tami thu ah Constantine in Mazentius khu makhel in dal a tumta hi. Tuachi'n a galkapte uh Milvian lei(Bridge) a ahing kisuhtuo bep un, kidou diingin ahing kisata uhi.

Khumi hunlai tah in lethum in a tamzaw uhi. Tuaziehin Mazentius galkaapte khu Constantine khu a daa mama a, a Constantine galkaapte sang in a lunglelta mama a, haatna

## *Gospel Tangkou April 2021*

tungtuong (unnatural power) bang ahiei khat in apanpi ding khu poimaw asa mama hi. Kidouna kipat masang nitahlam Ni tumkuon in, Constantine in a tungzawn a Kross um a mu a, khumi toh kiton in tambanga lai kigiel vah singseng khat a mu hi. Lai kigiel khu tami ahi, "Tami chiemtena toh na zou in...." chi ahi.

A zing chieng (i.e. Oct. 28, AD. 312) in kidouna ah ahing pangta uhi. Constantine galkap te'n Maxentius galkaapte khu nasatah in a zouta uhi. Constantine in zong a guolzawna khu Khristiante Pasion panpina zal hi in angaituo a, agingta tinten hi.

Tuachi'n, Persiate Ni-pasion nabe zel hinan uleh, Khristian in ahing kipe tahi. Tuaziehin, a gamsung (Rome) ah Khristian biehnna khu gamsung biehnna(State Religion) hiding in a puongkheta hi. Khumi pansan in Khristian biehnna adiing in hamphatna tampi ahing umta hi.

Kum zabi 4 & 5 sung khu Constantine hun(Constantine Era) akichi hi. Ama masang a Rome kumpi a napangte siltup ahileh, Khristiante suhgenthei diing leh a Laisiengthou (Holy Bible) mei a haltum sieng diing, chi ahi. Ahin Constantine ahing pientha nua invang, suhgentheina a beita hi. Khristian biehnna hing khangtou zel in, ahing zalen deudeu jing lai in, Constantine hunsung ngel in zong; Sawltahte kithuhilna(Apostlic Teaching) awl awl a petmang-sanna a hing kipan a, hattuom

sungah kithuhilna bawl thu tampi ahingpienbe touzel hi.

Juda mite Babulon a suoh le-sal a akipuimang lai in, salpawtna thu phuong ding leh Jerusalem kulbaang siemtha theina leh biehin bawltha kia theina dingun, Pasion Persia Kumpipa Syrus (Kura) a zangh hi. Persia Kumpipa Sairas(Cyrus) in tambangin anagen hi. "Mangpa Van Pasion in leitung leenggam zousie kei a hing peta hi. Ama'n Juda gam a um Jerusalem ah Ama inn ding lampieh dingin keima thu ahing peta hi..."( Ezra. 1:2). hichin anagen hi.

Rome gamsunga Khristiante suhgenthei a a umlai un, Pasion in amaute panpitu diingin Constantine ana tungding hi. Khristiante khu Pasion mitnauta ahizieh un, pawlpi huop leh mimal in zong, suhgentheina a thuoh hun chieng un, Pasion a mawh um ngaisih a, Ama'n hunta achi chiengin ahing kigol(kikum) zel hi. Pasion ihat zoupou uleh Pasion in ahun tahin panpitu diing mi ahing bawlsah zel ding hi.

Tuhun in zong India gamsung a Khristiante lungsim munkhat in thum henlen, kikou ulei, Igypt gam a Israelte kikouna zaa ngaikhetu Pasion in ahing za thei nalai hi. BJP Govt. tungding khu Pasion ahia, akai ngiem thei zong Pasion ahi. Taanglai a A mite napanpi zong Pasion khu ahi. Taanglai a Amite napanpi Pasion khu, tunia eite Pasion zong ahi hi.



## **EDEN VIRUS PANDEMIC**

~ Pastor Angam  
Moreh Local Pastor

Tulaitah in India gamsung chiengtang in ibuoipi uh lienpen uh Covid-19 2nd Waves ahing hita hi. 1st Wave sang in Second Wave pen double in ahat jaw thamhi chithu izatou nalai uhi. Gangtah a shi zong tampi ina um manta ua, Govt. in ikivenbit doh theina ding un amasa a dan abawlsa tengjui ding in agamsung mite thu a peikia tahi. Danjui loute alah ua atheina ding un amasa a sang in double in asang jaw hi chithu theisahna anei uhi. Tami'n a etsah ahileh, a tun tunna hitaleh a tunlouna hita zongle iki venbit doh chiet ding uh adei leh atup thupi pen ahi. India Govt. in thu asuo toh kiton in eima Pawlpi MELC Office in zong isuotat na ding un thusuoh zong a hing bawl zouta uhi. Thusuoh kibawl zousie khu ngaiselou a idamna dia ijuj chiet dia hoi mama ahi. Thupil khat in "Prevention is better than care" achi khu mizousie'n theichiet lei hoi pen ding ahi! i shi masang in.

Tunia igen nuompen ahileh Pandemic 'Eden Virus' ahi. Pandemic ichi chiengin leitung pumpi jelsuoh natna china ahi. Pandemic hizat tamtah ana um in, etsahna'n Flu Pandemic, Flu jat tuomtuom Bird flu, Swine flu, Spanish flu leh a dang dang zong a um nalai in ahi. AIDS Pandemic, tualeh Covid-19 pandemic te ahi. Tualeh Pandemic te hi in mihing tampi a crore a sim in ahinkhuo uh ana lamangta a, dahuoi mama hi. Kiging manlou a hinkhuo kilamang maite igel chiengin *aw ana nalawm lawm e!* chilou gending dang umlou hiel ahi. Leitunga i lenna uh i khuolzinna gam ahi chi manghil sih va ui.

Lei kisiemchil apat a ana

umzing sa tunitan chienga zong beithe lou natna mihing zousien anei, Leitung pumpi'n asuh damthei lou leh Doctor te leh Sicientist te'n zong a damdoi amulou natna inei chiet ua, Eden Virus Pandemic hii ahi hi. Tunni in mihing zousie'n ivei suohchiet ua, idamna ding un lampi khat maimai Hattungnung Pasian in eite ahing hi. Tamkhu bang e ichileh a Tapa tangkhat nei sun Jesu Khrist mittui luong pum in lei ah ahing sawl a, Kalvary muoltung ah Kross ah ngaidamna na asem a, nithum ni a thoudoh kia Jesu shina gallien pal galkai pa Jesu "GINTAT" ahi. Ginna loungal Eden Virus shina a pat dam doh zou na ding lampi leh hindoh thei kiana ding lamdang

## *Gospel Tangkou April 2021*

khat zong ei lei mihing pilna'n amu doh zou sih hi.

Tunia Eden Virus shina igen zing lai in Covid -19 2nd Wave in i innsung, ikhosung, igamsung zousie ahing zot sawm ta, hing tungta leh bang ichi kimaituopi ding uoi le? Awle, anitah a shi ding himai chi;n thupuhna nabawl tai? Aw ule-naute ani ni in nang hingphata zongleh zawtheina lampi khat sunsun a um hi, tuapen "*Jesu'n, keima thokitna leh hin kitna kahi*" chi ahi. Itahsanna pen shi lei zong hin ding ahimai hi. (Jn.11:25) Tualeh ahinga itahsanna pen bang hinanleh shilou ding ihi china ahi... Hallelujah Pasion in loupina tangta hen. A tunga igen uh natna nite in ahing phahtah lezong nadam zouna ding in Jesu na hundampa gingta in, Aman nichin in aw nem hiuhieu in ahing han jing hi. Jesu nei lou in shi lechin nang dinga shinina hi khava unau,

Mangpa lamtuo din kiman san um in, hun aum non sih hi!

Hun in nang hing nga lou ding ahia, nang zong na hun ana kiguot tup in len, shi nan lechin zong hing ding in, kiman san ana umtan. Jesu'n ka nua ei jui un, munsip a vahle lou in hinna vah khu amu ding hi, achi hi. (Jn.18:12). A angkawm laitah a kiman numei kingaidam na thu na thei ei mah? Tubansie khiel kia non sin chi ahi. Unau ki ngaituo in Jesu juite hinna vah ah aum uhi. Tuamabang in mi te'n Eden Virus Pandemic in alawna zie athei sih ahi. Hinanleh, miel nuai a kilekia te ziehin Jesu lungsim ana sah hi. Jesu'n suoh hoi (good servant) tungah kalung adam hi, ahing chi thei na dingin Jesu gingta in, na hundampa leh na leengpa din kisantan. Tami sim zousie Pasion in gintatna chiengtah nei ding in hing guolzawl chiet taken.

---

*Na deilam Vana mi'n abawl beangin*  
**LEI A MI'N ZONG BAWL HEN.**

(Matt.6:10)

~ *Rev. M. Haozalian,*  
Founder Editor.

**Thumasa:** Amasa pen in i thupi uh i theisiem nading un ilunggel ngaituona uah vana mite'n Pasion deilam abawl ua bawl kumkhuo dan uh enphot vai. Vana mite'n Pasion khu silbangkim siempa leh tangtawna shitheilouna neipa ahiban ah, asiengthouna, adihatna leh a mi itna

## *Gospel Tangkou April 2021*

tultheilou, daingailou zingmong chin a thazing ahidan atheichien chiet uhi. Ama uh vanmite'n chim theilouin Pasion hoina, Pasion thuneina, Pasion vaihawmna leh a nasep lamdangtahte aphant ua, akung ah nuomthu a gen leng ua, akeng bula bieh in a kunzing uhi. Bangjeh ahiei ichi leh amahon Mangpa'n akam ngeia athugen "van khu ka leengtouna ahia, lei khu ka keng ngahna ahi, tamte zousie khu keima khut in abawl ahisi ama" Nasepte.7:49-50, na a agenkhu adih ngel hi chi a theitel thuoi uhi. tam thu akipat in Pasion khu abangzata ah lien leh thupi, van leh vanthumna tan in zong adawl zoulou ahidan imu ua, Leengpa Solomon lal laia athumna ah imu uhi. (I Leengte.8:23-30).

Tua ahimanin Pasion deilam vanah akibawl zing hi. Pasion deilam bawl leh bawl gige khu vana mite nasep thupipen ahi. Hitaleh leia mite'n zong ibawl zing leng ding uh hinazenpin, bangin hing dal amah? ahisihleh bangdia Pasion deilam bawl gige lou ihi uhei? chi thu a houlim zel vai.

Anina ah lei a mite'n Pasion deilam bangichi bawl tontung diei? Laisiengthou sungah Pasion deilam bawlte bou khu vangam lutva chi imu ua. (Matt.7:21ff) Leia ahing lenlaiin i Mangpa uh Jesu'n ahing gena: tami ahing sawlpa Pasion deilam ahi koizong tapa mu ah

gingta in kumtawn hinna nei henlen, keiman ni topni chiengin kaithou vang. (Johan.6:39-40).

Ahivanghin Jesu neilouten Pasion kipahsah theilou uhi, aziehpén Ama Jesu'n eite khu Pasion dihtatna ihi theina ding un, Ama'n gitlouna neilou atapa khu itaang in a khiei in a bawla, Tuachia khiei thupha toina leh khiei kinepna banah Pasion leh mihing kala palai (Mediator) in asiem hi. (I Tim.2:5). Ahingut ngei Jesu toh kizopnangh inei manun Pasion kungah luttheina, a deilam nichina athah a bawl zing theina tanpha hamphatnainga uh ahi. Mangpa phatin umta hen.

Tu in I Mangpa tatna vanga Pasion ta dei umtah hita eiten, nichin leh hunteng a Pasion deilam bang ahei chi thei a, i bawl zing theina din i hamphatna uh khu sana leh dangka a leithaw ahisih a, amabou Pasion tapa sisan manpha vawta leipieh ihi uhi. Tami hamphatna khu a misiengthoute zousie'n inei ua, tuatang ziehin tunitan dama umnalai eiten, nite ahoilou jieha ihun manphate uh ahoi theipen a imang ding uh iki deisah sawnsawn uhi.

Piengtha zousie'n Pasion deilam van mite'n abawl bangun bawlta mailei i umna uh khuo leh hattuom khu, vangam banga dihtat leh siengthou leh lemna leh

## *Gospel Tangkou April 2021*

muonna dimden tava, Tuazieh tahin ahi, tami vannuoi dan bangin umsih unlen, Pasion deilam ahoi leh lungdamhuoi leh ahoi bukim na theithei nading un lungsim tha a umin hing danglam zota un chie hanthawn a i um uh hizuh a. (Rom.12:1,2)

Tu in lei a um hinalai leizong, ipa vana um i kipahsahna dingin tam anuoi a lungsim puohdan dihte neisawm vai :-

i) Tam leitunga um hinanlei, tam leitung ahei khovel mi ihinonsih ua, man a leisa vanmi ihita ua, tuate banga igamtatna chinteng gensiet bei ihi tumding uh kul hi.

ii) Pasion it ding a innsunga pieng ihidan theitha vai in, azieh ama'na vangam nuomtaha asiem khu ama itte luodinga achiem ahibou hi, Mangpa itloute'n tuo

gam luolou ding uhi. (II Cor.2:9)

iii) Pasion deilam theikhiet na utleh, adeilam bawl masa'n chipen amitmu in kingiemkhiehin, dihtatna ngaisang inlen, khiel huo in, lemna sui in del zel in.

iv) Leitung mihing pieng lahah mihampha na hidan kiphoh khien len, khumi hamphatna hing lsa hpa itna detdou khu pahtat gige in. a lungsietna phattuompite'n Ama tanpa kunga leiba gensenglou khu nuomthu atam theipen a genin ditzou theibep uhi. (Ephe.1:6)

(v) Adeilam amawl theitop leh abailam pen khu midang adia hin ahi: chipen midang adia thungetsahna nei gige n a i k a l chin ama phatna leh thungetna ah a manpha pen a iman thei chiengin Ama hoina zal izou thei tading uhi. pasian in hing guolzawl taken.

---

### **THUMPI DING**

1. Tripura Mission Field gingu kibe tou zel in, i biahinn in mi dol nonlou ahiman in Biahinn extension bawl thei na ding in.
2. Covid-19 2nd Wave apat a hattuum mite ibitna ding un, tualeh i hattuum mite tammi natna veite ading leh shina tua innsung mite a dingin.
3. MELC sunga semtu: Pastor, Evangelist, Promotor, Office Staff teleh a dang dang.
4. MELC in mailam hun a Vaiguon ineite uh: Thingkangphai Biahinn kot honna, Lutheran Small Catechism (Zokam) honna, Committee tuomtuom leh Vaiguon tuomtuom ineite uh.

*Pu H. Khaikhogin*

**ASEPNA APAT PENSION AHI TA**

Pu H. Khaikhogin, Peon MELC Office in Kum 29 sung MELC Office a asepzou nuoin, MELC Pension Rule dungzui a ama tahsa Kum 65 achin ta ziehin April 30th 2021 ni apat Pension pieh ahia, 04-05-2021 (Tuesday) ni in Office Staff ten hahna annkuang asohkhawmpi uhi.



**Pu H. Khaikhogin in a service sungin kizatna tuomtuom ana nei a, tuate khu:**

1. **Peon:** 01-03-1997
2. **Chowkidar-cum-Peon:** January 1998
3. **Cash Clerk:** February 2005 to January 2006
4. January 2006 to 30th April 2021 sung Peon nna asem hi.
5. ZCMC malahna I Zou Labupi Tonic Solfa abul hi.
6. "Pilna Thuching leh Hamkamtuh" kichi Laibu khat a bawlkhie hi.
7. Ama panlahna nuai ah Solfa Training tuomtuom kibawl in Intermediate Certificate ana ki hawmkhia hi.
8. Gospel Tangkou ah 2009 Kum in Jt. Editor in ana pang a, tualeh 2010 a pension tan in Circular Manager in ana pang hi.  
Tamteng ban ah hun peisa lai in Tuila Area Pastorate Secretary in zong ana pang ngei hi.

~~~oio~~~

SUUNNA/CONDOLENCE

**(L) UPA KHUPKHANHAU MUNLUO
@MK THOMAS (KUM-98)**

Upa Khupkhanhau Munluo @MK Thomas khu (L) Pu Tonghau Munluo leh (L) Pi Donching Manlunte gilga goutan Pasal 2(Two) leh Numei 7 (Seven)te lah a giatna ahia 5th June, 1923 in Singngat khomunlui ah piang hi, 20th October,1948 in azi Upanu Ngaikhoman (Phamsa Pu Henkham Tawtah tanu) toh kiteng uhi. Kum bangsa ahiei khat zouin Pastor SK Samte khut ah hattuum dan in kinunna ana nei uhi. Aman azi toh Pasion gualzawl Gilga goutan Tapa 3(three) leh Tanu 5 (Five) anei uhi.



Ama'n 1951 kum apat Hausa (Chief) ana pota hi. 5th June 1982 kum in Tapidaw suoh in piangtha a tuahun lai apatin Pasion gam nasepna ah apan thei tawp in pang a, khosung a Hattuum Catholic, MGP(ZPCS) leh ZCC(MELC)te phutkhetu(Founder) lamkai in jong ana pang hi.

16th January, 2005 in Upa Ordination Upa Thongdou Moderator MELC khut ah ana tang a tualeh, 19th December, 2010 in tahsa hatnonlou zieh in Rev. Dr. Ginkhanmung Zou, Bishop MELC khut ah Pension anala hi. Tualeh, hun sawtkuam tah damlou lupna tung ngah a aum nuo in 9th May, 2021 (Sunday) 12:30pm in Atu-Ata, A innsung mite leh akhuo atuite nuosie in hamuangtah in a tangtawn mun ding ahing zotsanta hi.

Upa Late Khupkhanhau, Chief of Singngat khu mi huongphal leh mi ngaikho mi khat ahia, Aman adam lai in Hattuum ana it mama a, MELC hattuum a dingin mun leh muol zong ana pie hi. Ama zal in tuni tan in MELC in Biahinn mun hoitah akinei hi. Tambang a Hausa/Upa mi kiphah inei kha uh vangphat huai ahi. Aman ang beisan na tungah Hattuum mipi in akisuun mama a, tami Gospel Tangkou pansan in I suun thu uh iphuong uhi.

Anuasia a innsung mi, hattuum mite leh akhuo leh tuite Mangpa'n hamuonna peta hen.

~~~oio~~~

## Patron Memberte

- |                                |                               |                                 |
|--------------------------------|-------------------------------|---------------------------------|
| 1. (L) Upa T. Chinzakhai       | 56. (L) Upa Pumzagin          | 111. Pu T. Samuel Tualminthang  |
| 2. Pi Warlita Manlun           | 57. (L) Rev. Khaamthang       | 112. Evan. T. Dongzalam         |
| 3. Pu M. Khamzaming            | 58. Pu T. Lamzagin ASC (Retd) | 113. Upa Paukhosuan             |
| 4. (L) Upa T. Gougim           | 59. Upa S. Kammang            | 114. Pastor Ginsuanthang        |
| 5. Upa M. Kaichinkham          | 60. Pu L/Nk Mangchinthang     | 115. Upa M. Khupkhanhau (Retd)  |
| 6. Pastor P. Vungzathang       | 61. Pu Pumkhanmang            | 116. Pu M. Haukholian           |
| 7. Pu P. Chinzakhup            | 62. Upa Tunzagin              | 117. Pastor Chinlunmang         |
| 8. Pi Chinnu (Mrs.Gouzadou)    | 63. Pi Zengaihniang           | 118. Pu H. Khaikhogin           |
| 9. Upa D. Khupsuanpau          | 64. Pu Chinsuanlam            | 119. Pu T. Chinkhohau           |
| 10. (L) Pu Thangkhanlal        | 65. Nu Kangnu                 | 120. Pastor Khupdokhen          |
| 11. Upa M. Jangkhhohau         | 66. Pu Genkapthang            | 121. Pu Khamkhanhau             |
| 12. Pu T. Gouzalal             | 67. Pu Paul Henkholal         | 122. Pi Lunsuanchiin            |
| 13. Upa Jangkhhogin            | 68. Upa Nengkhenthang         | 123. Pu Tutzamung               |
| 14. (L) Upa M. Khamzathong     | 69. (L) Rev. P.K. Khama       | 124. Pu Dongzakam               |
| 15. Pu H. Thangmang            | 70. (L) Pi Nuamneikim         | 125. Upa Thangchinhang          |
| 16. Pu M. Ginzasuan            | 71. Pu Dr. David Vumlallian   | 126. Evan. Thangkhanpiang       |
| 17. Pu M. Kailam               | 72. Upa Ginzalam              | 127. Pi Goikhanman              |
| 18. (L) Pu T. Soiminthang      | 73. Rev.Kamminthang Tungnung  | 128. Upa Zamkhosuan             |
| 19. Pu S. Suankhothong         | 74. Rev. Thangliankham        | 129. Pu Jamchinpau Samte        |
| 20. Pu S. Tunsuanhang          | 75. Rev. Nangkhanlal          | 130. Sya Tunzalang              |
| 21. (L) Pu Hauchinmang         | 76. Sya Dongzapum             | 131. Evan. D. Ginpu             |
| 22. (L) Dr. Upa Tongkhokai     | 77. Dr. N.D. Samte            | 132. Pastor Khamkhenthang       |
| 23. Pu T. Ginzamang            | 78. Pu Sienzathang            | 133. Upa Chinsuanpau            |
| 24. Pu T. Goupau               | 79. Pu Sheshei                | 134. Pu P. Tunzamang            |
| 25. (L) Dr. Lampu              | 80. Rev. S.K. Manlun          | 135. Pastor Kamneithang         |
| 26. Pu P. Sanjeev              | 81. Pu Hauliankap             | 136. Mother Nuamzavung          |
| 27. Upa P. Kamzadou            | 82. Pastornu Niangzadim       | 137. Upa Thongzalam             |
| 28. Dr. Ginniing               | 83. Rev. Ngilzakhup           | 138. Pu Kaikhankap              |
| 29. Upa Lt. Col.Thongzadou     | 84. Pu Hausuanthang           | 139. Ex-Sub. Upa Kaichinpau     |
| 30. Pu John Zamkhomang         | 85. Upa Khamchinlam           | 140. Pu Ex-Hav. Thangzakhup     |
| 31. Pu M. Lunkhoneh            | 86. (L) Khaiminlian (13 yrs)  | 141. Upa S. Suanzakham          |
| 32. Pu Kapzaming               | 87. Upa H. Khamzaming         | 142. P. Chinminthang            |
| 33. (L) Pu Hauchinthang        | 88. Pu P. Sienzadong          | 143. Rev. Retd.S.Nengkhanmang   |
| 34. (L) Upa S. Khamzalam       | 89. Pi Neikhokim              | 144. Pu T. Lianchinlam          |
| 35. (L) Upa Sub. Lianchinmang  | 90. Pu Hausuanlam             | 145. David Kapsuanmung Zou      |
| 36. Upa S. Zamzalam            | 91. Pu Ginminthang (Gigin)    | 146. Nh. Vunghauniang           |
| 37. Pu Khamzatun               | 92. Pu Khupminthang           | 147. Tv. Goumuankhup            |
| 38. Pi Nemmang                 | 93. Nu Lhainei                | 148. Khupno Tombing             |
| 39. Upa Tuahchinhau            | 94. Rev. Kamminthang          | 149. Ginshanglian Samte         |
| 40. (L) Upa Kaikhohau          | 95. Pi Ngailianmoi (Momoi)    | 150. Ex.Hav. Khupzathang        |
| 41. Dr. Jainson Haokip         | 96. Pu Aron T. Muanthang      | 151. Nu Muanchig Sangma         |
| 42. Pu Kapkhanthang            | 97. Pu Thongneipau            | 152. Sub. P. Goukhanlian Zou    |
| 43. Pi Manpi                   | 98. Pu Dalkhanthang           | 153. Ex-Hav. Sianzakhai Munlao  |
| 44. Pu Philip Thanglienmang    | 99. Upapu Soikhohau Samte     | 154. (L) Upa Thangkhokam        |
| 45. Upa Haukholam              | 100. Rev.Retd. Thangkhanmang  | 155. Upa Thangkhojam            |
| 46. Upa Kaikhanlun             | 101. Rev. Nengkhanlal         | 156. Pastor Kapkhanhau          |
| 47. Pi Lhingneiting (Helhing)  | 102. Pastor Lamgen            | 157. Pastor Thangkhongam        |
| 48. Pu Thangchinsuan           | 103. Pi Cicilia Maman         | 158. Upa M. Ginkhankhup         |
| 49. Pi Goukhorian              | 104. (L) Pastor Kamzathang    | 159. Upa T. Pumminlal           |
| 50. (L) Pu T. Gouchinthang     | 105. Upa T. Nungkhochinpau    | 160. Pa M. Khammuanian Zou      |
| 51. Pu M.L. Thanghau Zou       | 106. Rev. Dousuanthang        | 161. Nh. Momawi Milun           |
| 52. Rev. V. Hangminthang       | 107. Rev. Hangpi Manlun       | 162. Upa M. Hauminthang         |
| 53. Rev. Dr. Ginkhanmung Zou   | 108. Tv. Hauthang             | 163. Pastor Kamsuanlal          |
| 54. (L) Ex.Nk. T. Dongminthang | 109. Rev. Thangchinkhup       | 164. Ex.Sub.Upa T. Mangkhenmung |
| 55. Pi Neingaihmaili           | 110. Pastor Kapsuankhup       | 165. Pu T. Ginkhothong          |
|                                |                               | 166. Upa V. Lawmsang            |
|                                |                               | 167. Pa Sawmkholal              |

Koipou Patron member a pang utte a dingin ₹. 1500/- pie in a pang thei gige hi.

**If undelivered, please return to**

The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo,hattuom khanletna ding)

(RNI Regd. No:62170/95 MNP 76)  
BOOK POST

To

.....  
.....  
.....

*Layout & Typesetting @  
MELC Office  
Printed @  
Thawmsons Color Press,  
H. Lamka*